



Season of Creation 2

Sepedi

SETLHA SA TLHOLEGO 2

EUCCHARISTIC PRAYER FOR SEASON OF CREATION THAPELO YA YUKHARISTE YA SETLHA SA TLHOLEGO

Morena a be lena
Mme a be le wena

Hlatlošang dipelo tša lena
Re di hlatlošetša go Morena

A re lebogeng Morena Modimo wa rena le tlholego yotlhe
Go lokile go mo leboga le go mo reta

O boletše ka Lentšu mme kamoka tše di lego legodimong le lefaseng , dilo kamoka, tša ba gona. Moya wa Gago o be o akaletše go dilo kamoka tše di bego di se gona, mme o tšweleditše bophelo ka mehuta yeo e sa balegego, go akaretšwa gammogo le lona lefase la rena le robegago ka boomo, le rena batho magareng ga diphedi tša lona. Ka ge mehla ya rena ye e fetilego e le mo go wena, go bjalo le kholofelo ya bokamoso bja rena e mo go wena. Ka ge re ile ra aroga tseleng ya gago, bjale re boela gape boruthong bja lerato la gago. Ka wena dilo kamoka di tlišwa bophelong bjo boswa.

Bjale re tliša ditebogo go wena ka baka la letago la tlholego yeo o re filego hlokomelong ya rena, le dikgoba tše o re bulelago tšona gore re abelane lehumo le batho ba gago kamoka.

Ka fao ka dimakatšo tša tlholego le dikoša tša tumišo ya diphedi kamoka tša gago legodimong le lefaseng re go tumiša bjale le ka go sa feleng re re:

Mokgethwa, mokgethwa...

Bošegong bjo Jesu a ekilwego ka bjona, o tšeere borotho, mošomo wa diatla tša batho, mpho ya lefase la rena, ya ba o iša ditebogo go Modimo. A ngwatha borotho go re laetša ka fao mmele wa gagwe o tlogo robjwa sefapanong. A bo neela balatedi (barutiwa) ba gagwe a re: Tšeyang le je, ka ge se e le mmele waka wo le fiwago wona. Dirang se kgopotšong yaka.

A tšeya morara, mošomo wa diatla tša batho, mpho ya lefase la rena, ya ba o iša ditebogo go Modimo, Motlhodi. A tšhela morara senwelong e le go laetša madi a gagwe ao a tlang go tšhollelwa rena. A se neela balatedi (barutiwa) ba gagwe a re: Se ke madi aka a kgwerano ye mpsha, a tšholletšwego lena le tlholego kamoka go tshwarelwa dibe. Nako le nako ge le enwa se, le direng bjalo kgopotšong yaka. Ka fao re kwatša diphihlagalo tša tumelo.

Kriste o hwile
Kriste o tsogile
Kriste o tla tla gape.

Ka fao Modimo, rena bao re nyakago poelano le wena; rena bao re nyakago poelano magareng ga rena; rena bao re holofelago poelano le tlhologo, re ikatametša kgauswi le phihlagalo ye. Ka ge a robilwe, a tšholotšwe a bolokwa, bophelo bo tšweleditšwe gape. Mo thobegong, go na le fao go bulegang; mo go tšholleng, go na le medi ya kabelano; mo lehung le polokong, go na le peu ya bophelo bjo boswa bjo bo tlogo.

Ge re lebelela mo lefaseng la rena, maphelong a rena, le dipelong tša rena, go boya ga gagwe gabedi, go re batametša kgauswi le seo re se lebeletšego. Ka go fiwa borotho le seno sa morara, go re boelanya le lefase la rena le go re neela bootee thobegong, kopano tšhologong, le tsogobahung morago ga poloko, ke tšeo ka tšona di re kgontšhago go tsošološa tlhologo go phethagatša thato ya gago.

Romela go rena mmogo le tlhologo ya gago kamoka, Moya wo e lego monei wa bophelo wo mathomong o tsamailego godimo ga bodiba bjo bogolo bja meetse. Huduga boteng bja rena ka go tšweletša tša tlhologo le go re phološa tshenyegong. Re kopantšhe le wena ka mmele le madi a Morwa wa gago, Lentšu la gago le dirile nama bjale ka ge nama le yona e dirilwe ke Lentšu la gago.

Ka yena, mmogo le yena le ka go yena, le ka kopano ya Moya wo Tlholago, le kamoka tšeo di bilego gona, tše dilego ntshe, le tše di sa tlang go ba gona bogohleng bja gago, re ema pele ga gago le go o khunamela, Modimo wa tšohle, ka dikoša tša tumišo go ya go ile.

Lehlogonolo le tlhompho le letago le maatla e be tša gago ka go sa felego. Amen

BEKE YA PELE: PHETOGO YA BOEMOTLHAGO MMOGO LE BOTOKA BJA TŠA TLHAGO.

Tokišetšo

Kgabiša aletare ka dimela le matlakala ao a omeletšego, o tlogele maloba.

Lefokopulo: Lefase le a omelela la onala...lefase le dula le šilafetše ntše badudi ba lona ba le gona.

Boitsholo: re ipobola sebe sa rena sa bojato le lerato la dithoto tšeo di senyago Naga ya Modimo yeo bana ba rena ba tlileng go ba bajalefa bja yona.

Difela: ka ga toka le hlokomelo ya lefase la Modimo

Koleka

Morena wa tlhologo yohle

ka bojelathoko le bojato

re sentše ditlabakelo tša lefase

le go hlakahlakantšha moya wa lefaufau le boemotlhago mafelong (klaemete) a lefase la rena.

Phišo ya lefase le mawatle ao a fufulang go sela magopong a wona a tlhotla ditšhaba tša mo ditlhakahlakeng le batho bao ba tekatekang gammogo le diphedi ka bophara.

Re fe ponelopele ye mpsha ya lefase la rena le go tlhola ka gare go rena toka ye mpsha go ikwela bohloko mmogo le tlhologo.

Ka Jesu Kriste Morena wa rena. Amen.

--	--	--

Thuto ya Pele	Genese 6: 9-22 le Genese 9: 8-17	Taba ya Noah: ka morago ga meetsefula, Modimo o dirile kgwerano le ba lapa la Noah gammogo le diphedi kamoka.
Pesaleme	98	Tlholego kamoka e tumiša Modimo ge a etla a tliša toka le phološo.
Thuto ya Bobedi	Baroma 8: 18-25	Temana ye e amogela go sotlega ga Tlholego le rena bjaloa karolo ya tlholego. E bile e ama le ponelopele ya phološo yeo e re emetšego ya bokamoso bja rena bjaloa bana ba Modimo. Tlholego e emetše rena gore re tšeye kgato.
Kopelo	Kopelo 6	Koša ya tlholego
Ebangedi	Mateu 8: 23-27	Boemotlhago bjo fetogago (klaemete) mafelong a lefase e tliša mafula le madimo. Ditšhupaboso tša go se tlwaelege di ka se sa bitšwa gore ke “ditiro tša Modimo.” Di ka hlalosa bjaloa ‘boemotlhago bjo fetogago bjo bo tlišago ke ditiro tša motho.’ Mo palong ya ebangedi ya rena ledimo le legolo le ya tšutla le tšhoša le barutiwa. Jesu o homotša ledimo, go laetša gore o na le maatla godimo ga tša tlhago.

DINTLHATŠHUPO TŠA BOEMOTLHAGO BJO FETOGAGO.

Ditlamorago tša boemotlhago bjo fetogago ke diphetogo meetseng:

- Komelelo ye ntšhi: ge maemoboso ka mehla ka phišo a nyogela godimo, komelelo e ba ye ntšhi, dibjalo tša hwa, mola ditefelo tša dijo le tšona di nyogela godimo, gomme tlala ya ba gona.
- Dipula tše ditšhi tše boima: ge mawatle a ruthufala, meetse a mantšhi a moyafala diphefo tše maatla di ba gona, gomme seo se tliša madimo a magolo, ao a thubago magae, ditsela le mantlo le go hlola kgogolego ya mobu.
- Meetse a golelang godimo magopong a lewatele: ge mawatle a ruthufala, meetse a wona a šušumoga, le ka baka la makgepetla a go kgahla ga meetse a lewatele ge a tologa, a hlola tšhutšhumogo ya meetse magopong a lewatele go golela godimo. Se se ama dinaga le ditlhaketlhake tše leng magopong a mawatle le tshenyo ya mantlo le go dira mobu gore a toke letswai.

Boemotlhago bjo fetogago bo tliholwa ke phišo ya ditšhilafatši tša moya lefaufaung bjaloa malahla le di-oli. Re swanetše go fokotša tšhumišo ya tšona le gore re ye ka pela ka fao re ka kgonago gore re šomiše maatlampshafatšo legatong la mokgwa wa bjale wo o dirišwago, e le ge re tlogela le go široga tshenyo ya kotsikgolo yeo e tlišago ke boemotlhago bjo fetogago.

TŠHEGOFATŠO

Go ya pele ke ka kholofelo yeo ka yona re phološitšwego retang Modimo tlholegong kamoka; latelang Kriste yoo dilo kamoka di dirilweng ka yena; ka maatla a Moya o bile paakane ya kholofelo lefaseng;

le tšhegofatšo ya Modimo Motlhodi,
 Modimo Mobagonakamehla, Morwa yo Tsogileng le Moya Mokgethwa wo Tshephišitšweng
 a go šegofatše gore o be tšhegofatšo go bangwe bjale le ka mehla. Amen

BEKE YA BOBEDI: DIJO LE TOKA TIKOLOGONG.

Tokišetšo

Sekgethwa altareng se ka tlatšwa ka dithoto tše bunnwego. Tirelo ye e ka šomišwa boka monyanya wa puno, eupša, le ge go le bjalo, šedi e swanetše go fiwa go mokgwa woo ka wona lehumo la Naga re le senyago le go le hlapela ka gona. Re gopola bohlokotoka bja bao ba phelago ntle le dijo.

Lefoko la pulo: Morena o tla re atla, mme naga ya rena e tla re tšwela dikenywa (Pesaleme 85: 12).

Boitsholo: Re ipobola go Morena bojelathoko le bojato bja rena mo nageng lefaseng la bao ba bantšhi ba lego tlaleng. Re ipobola ditseleng tšeo re di tlogetšego ra šilafatša naga le go senya mobu wo nonnego.

Difela: e tla ba tše amanang le dijo le kabelano le ba bangwe.

KOLEKA

Modimo Mobagonakamehla

O beya ngwaga ka korone ya toka

Le go re fa dikenywa tša naga setlheng sa tšona:

Efa gore re tle re di šomišetše letagong la gago

Go imolla bao ba hlokago

Le phepo ya mebele ya rena;

Ka yena Jesu Kriste Morena wa rena. Amen

LENTŠU LA MODIMO

LENTŠU LA MODIMO		
Thuto ya Pele	Lefitikose 25: 8-24	Tokologo le poetšo ya naga e be go ya ka mokgwa wa peakanyo ya Masometlhano-a-ngwaga.
Pesaleme	85	Kgokagano magareng ga ba toka le bobotse bja naga.
Thuto ya Bobedi	Jakobo 5: 1-8	Go se lekanele ga tša moruo ka go hlolwa ke lehumo le lentšhi go fetiša tekanyo matsogong a bao eseng ba bantšhi go laetšwa mo dillong tša bašomi.
	Magnificat Koša ya Maria (APB letlakala 57)	Koša ya Maria e abelana ka ga pono ya naga fao babolawaketlala ba fepjago mola bahumi bona ba bušetšwa morago ba se na selo.

Kopelo		
Ebangedi	Luka 4: 16-21	Karolo yeo Mesia a e dirago ke go tliša taba ye botse go bahloki/badiidi mmogo le bao ba gateletšwego.

Hle Morena, šegofatša,
dimela, le dihlare tša tlhago
le mešunkwane ya naga,
gore e tle e mele
le gore e atafale ka botlalo
Le gore dikenywa tša naga
di re gopotše
dikenywa tša moya tšeo di swanetšego go tšweletšwa mo go rena
litani ya Bo-Othodoksi bja Khopotiki, Egepete.

Tšhegofatšo

Eke Modimo Tate a le šegofatše
yo mathomong a bjetšego dipelong tša lena peu ya bophelo bjo sa felego
Eke Modimo Morwa a le šegofatše
yo a le hlokometšego ka pula le go le hlabišetša letšatši la lerato
Eke Modimo Moya Mokgethwa a le šegofatše
yo a re tlišetšago kamoka bophelo ka botlalo;
le gore e ka Tšhegofatšo ya Modimo Boraroboteeng e be le lena ka mehla
gore le lena le be tšhegofatšo go ba bangwe.

BEKE YA BORARO: MEETSE

Tokišetšo

Sebjana sa meetse se ka bewa mo altareng. Šašetša phuthego ka meetse ao a šegofaditšwego ge tirelo e fihla bofelong.

Lefokopulo: noka ya Modimo e tletše ka meetse a mantšhi.

Boitsholo: re ipobola go Modimo dinakong tšeo re sentšego goba re šilafaditšego meetse ka gona, le ka fao re lebetšego gore, meetse ke mpho ya bohlokwa go tšwa go Modimo.

Difela: ka ga meetse

KOLEKA

Morena Modimo

ka sebopego sa meetse o utulla ditšweletšwa tša Moya wa gago.
Subeletša ka teng ga rena tlhompho ya maleba ya setlabakelo se
gore re tle re nwe ka botlalo mpho ye ya Moya wa go fa bophelo
ka yena Morena wa rena Jesu Kriste. Amen

Thuto ya Pele	Genese 21:8-19	Ye ke taba ya bohlokatoka bja meetse ge mosaditsoko a bile le meetse a mantšhi mola Hagar, mosadi yo abego a sa ratwe, a romelwa leganateng le morwa wa gagwe go yo hwela fao. Bohloko bjo a bo kwelego ge Ishmaele morwa wa gagwe a lla, bo swana le bjo bo kwago ke matšwantle ao a tšhabilego nageng ya gabo bona tlase ga boemotlhago bjo bjalo.
Pesaleme	104: 10-17	Pesaleme ye e amogela setswalle magareng ga meetse le bophelo le Modimo bjalo ka monei.
Thuto ya Bobedi	Kutullo 22: 1-7	ono ya tlhago ye mpsha, fao go tšwa go Modimo go elago meetse ao a tlišago phodišo.
Ebangedi	Johanne 4: 1-15	Go hlaloswa ka ga meetse a se moya

TŠHEGOFATŠO

Eke Modimo a ka go lokolola, eke Modimo a ka go šireletša bošego le mosegare.

Eke Modimo a ka go dudiša lefelong le go swanetšego, eke o ka naba boka bjang bja mebotong.

Phuruloga bjalo ka matlakala a mopalema, o tšwele pele mosepelong wa gago, gomme bophelo bo be le wena.

Eke Modimo a ka go beya fao dinaledi tša Modimo a di beilego gona nakong ya mahwibi le bošego.

Phuruloga la go ikala bjalo ka meetse a letsha.

SAMBURU, KENYA

(phuthego e šašetšwa ka meetse)

BEKE 4: MOTLHAKGASE O KA KGOTLELELAGO NAKO YE TELELE.

Tokišetšo

Mabone a go tšhungwa ka maatla a letšatši a ka šomišwa mo aletareng e sego dikerese.

Dira 'Sontaga se e be se se tala' le go hlohloletša batho go sepela ka maoto, go nametšana paesekele goba sefatanaga lehono. Lapa le lengwe le le lengwe le ka mengwa go rekela kereke le holo tleoupo e tee ya lebone ya go tšeya nako ye telele e bolokile motlhakgase.

Lefokopulo: Modimo a re “seetša a se be gona.”

Boitsholo: Re ipobola dinako tšeo ka tšona re ilego ra loba maatla ka go se šetše kgalemo ya Lentšu la Modimo

Difela: ka ga hlokomelo ya tlholego.

Koleka

Modimo yo Maatlakamoka
yo a tlhotšego magodimo le lefase
le tšohle tše di lego go tšona
re thuše go phela kgotlelelong ya tlholego
re ntše re šeditše dinyakwa tša ba bangwe
le bokamso bja meloko ye e tlogo
ka yena Jesu Kriste Morena wa rena
yo a tlilego gore re hwetše bophelo ka botlalo bja bona. Amen.

Thuto ya Pele	Lefitikose 25:8-24	Leanotsela leo le ka latelwago nako ye telele go tša temo le ya nyakega goba re tla ba le dinaga tšeo di se nago mobu wo nonnego, tšeo di tlang go omelela. Ge re le gare re ripa dihlare, re šilafatša mobu wo nonnego, le go fudiša go feta ka fao go lekanego, ke gona ge tshenyo ya naga e tsene.
Pesaleme	Pesaleme 46	Modimo e tla nna e le yena mothopo wa rena wa maatla le pabalelo re sa lebelela gore go diragala eng
Thuto ya Bobedi	Bakolose 1:15-23	Dilo kamoka di tlhologile ka Kriste le go tlhologela Kriste.
Ebangedi	Johane 3:16-21	Modimo o ratile lefase gakaaka, a ba a romela morwa wa gagwe a nnoši. Phološo ga e ame fela batho eupša akaretša tlholego yohle

TŠHEGOFATŠO

**Modimo, letago la gago le le pakilwego magodimo,
yo a o bolelago ka tlholego;
a tsošološe meoya ya lena ka lentšu la gagwe,
a go dire yo bohlale ka melao ya gagwe, le
go le fa lethabo ka ditaelo tša gagwe;
lehlogonolo la Modimo Motlhodi, Tate, Morwa le Moya Mokgethwa**

a le šegofatše gore le lena le be tšhegofatšo go ba bangwe bjale le ka mehla.

BEKE 5: TLHAGOPHAROLOGANO.

Tokišetšo

Natla pharologano mo.

Sekgethwa altareng le kereke di ka no tlatšwa ka dimela. Se e ka no ba tirelo ya tšhegofatšo ya phoofolo. Ge e ba go bothata go tliša diphoofole ka kerekeng, gona batho ba ka tliša setshwantšho ba se fega goba bana ba ka dira diswantšho tša diphoofole.

Lefokopulo: Sengwe le sengwe se tlhodilwego ke Modimo ke se sebotse. (1 Timotheo 4: 4, 5)

Boitsholo: Re ipobola go Modimo ka ditsela tšeo ka tšona re paletšwego ke go hlokomela dibopiwa kamoka tša Modimo.

Difela: ka ga bobotse bja Tlholego

Koleka

Modimo monei wa bophelo le Mobagonakamehla

Ka go se swane ga rena o re humišitše mo boteeng bja go ba gona ga rena;

Re thuše go phela ka khutšo le dibopiwa tše dingwe tše sa swaneng boteeng bjo bo ikgethilego.

Mediša ka gare go rena temogo ya lefelo la fao re lego gona gareng ga tlholego

Gore re be bahlankedi le bahlokomedi ba bobotse le go fapana ga lona.

Ka Jesu Kriste Morena wa rena. Amen

Thuto ya Pele	Genese 1:12-28	Taba ya tlholego fao Modimo a tlhotšego bophelo kamoka bjo bo raranego boka bobi ka go fapafapana ga bjona.
Pesalome	Pesalome 148	Koša ye kgolo ya Modimo ga se fela ya go opelwa ke batho, eupša ke ya diphedi kamoka.
Thuto ya bobedi	Kutullo 5: 11-14	Diphedi kamoka di kopana mmogo di tumiša Modimo le go mo khunamela.
Ebangedi	Mateu 10: 26-33	Diphedi tša Modimo kamoka o di bona bjalo ka tše bohlokwa go yena. Le tšeo rena re ka di tshedišago mahlo, eupša go yena mahlong a gagwe di bohlokwa.

TŠHEGOFATŠO

Etšwang le ye lefaseng le thabile,

hlakanetšang Motlhodi wa lena yo a le letetšego fao;
hlalalang lefaseng le farologanego le humilego leo Kriste a le hwetšego go le phološa;
phelang maatleng a Moya woo o mpsafatšago dilo kamoka;
le tšhegofatšo ya Modimo Motlhodi, Tate Mobagonakamehla, Morwa yo Tsogilego le Moya Mokgethwa
Motshephišwa
a go šegofatše gore le wena o be tšhegofatšo go ba bangwe bjale le ka mehla. Amen

DITIRAGALO MABAPI LE SETLHA SA TLHOLEGO

1. Pjalo ya mohlare

Setemere ke kgwedi ya Arbor le sebaka se makatšago sa go bjala mehlare mo kerekeng le mo gae. Lebaka ke lefe ge go sa bjalewe mohlare nako ya kolobetšo le tiišetšo, matswalo le menyanya, le segopotšo sa yo rategago yo a hlokatšetšego. Bjalang mehlare ya tlhago le ya dikenywa yeo e lego ya lefelo leo, yeo e sa nošetšwego.

Thapelo ya pjalo ya mohlare.

Motlhodi wa bophelo le Mmabaledi wa peu le mabu, wa mohlare le matšoba, o tlhodile lefase le tšohle tše di phelago mo go lona. Go Wena re tliša thapelo ye ya boineelo le tšhegofatšo, ka ge o le monei wa bophelo le mmabaledi wa tšohle tše di phelago. Eka medi ya mohlare wo e ka tsepelela go ya fase le makala ao a phatlaletšego a gole gore a pake lerato la gago ka botlalo. Ka leina la Motlhodi, Mmabaledi le Mophološi, Amen.

1. Ditirelo mo bobotseng bja thlago

Swarela ditirelo tša kereke kantle lefelong leo dimakatšo tša tlhologo di ka bonwago le go bogelwa. Ditirelo tše fapanego di ka swarelwa mafelong ao a fapanego: Kereke ka lešokeng, Kereke godimo ga thaba, bjalobjalo. Ge go ka ba bothata go beakanya, gona thoma ka go swarela seripa sa mathomo sa tirelo kantle, ka nako ya Dithapelo tša Selalelo, go tsenwe ka kerekeng.

- 2. *Kwalakwatšo ya tlhwekišo:*** Lebeledišang mokgwa wo ka wona tirelo ya tlhwekišo e ka dirwago go bušetša morago maemo ao a gobošitšwego a naga.
- 3. Tekolo ya lefelo :** ela meetse, motlhakgase le pampiri tše dirišwago mo kerekeng. Lebelediša phetogo yeo e hlagišwago ke dikloupō tša poloko ya motlhakgase.
- 4. Pjalo ya dimela ka ditšhengwaneng:** Hlohleletša maloko a phuthego go bjala merogo ka ditšhengwaneng. Swarang tirelo ya tšhegofatšo ya peu ka nako ya seruthwane, re kgopeleng tšhegofatšo ya ditšhengwana go Modimo. Nako ya go buna merogo ge e batamela, ketekang monyanya wa mathomo wa dikenywa e le go leboga Modimo. Lefelo leo moago wa kereke o agilwego ka go lona le ka fetolwa go ba tšhengwana.
- 5. *Beakanyang sengwenyana le baswa/goba le Sekolo sa Sontaga***

Tshedimošo ka botlalo kgokagana le ba ACSA Environmental Network, Green Anglicans
info@greenanglicans.org

Facebook Green Anglicans. Website www.greenanglicans.org